



1375  
177

Von gottes genaden Wilhelm vnnnd Ludwig gebriueder Pfalling-  
grauen bey Rhein Herzogen in Oberrn vnnnd Niderrn Bayrn ic.

hân allermeniglich in vnserm Herzogthumb vnnnd lannd zu Bayrn/ze-  
wissen/das vnns glaubwirdig thuntschaffren vnnnd trefflich warnungen  
tâglich zûekhomen/das vnnsers Chrustennlichen glaubens Erbveind der  
Tûrgkth/abermals in vbermâssiger grosser Kûsstung/zûeberaitung/vnnnd  
anzug auf wasser vnd land seye/die Chrustenheit/vnd in besonder Teûtsche  
Nation mer dan an ainem ort zûüberziehen/Deshalben vns als Chrusten-  
lichen Fürstn Bezeitlich fûrsehung zûthûn vnd mit zefeirn gebürt. Dem-  
nach wir allen vnd yeden/Grauen/Herrn/Rittern/knechten/vnd kriegs-  
leûtn/vom Adl/burgern/vnd gemainden/auch allen andern was stands  
oder wesens die seien/vnnnd den kriegern nachziehen/oder sich dero gebrau-  
chen/vnnnd in vnserm lannde angesessen sind/in gannzem ernst gepieten  
vnnnd schaffen/das sich kainer/Er sey merers oder mynders stannds/ausser  
vnfers lands in ainichen zug oder dienst begeben/nach aus vnserm Herzog-  
thumb thûe/Bestellen/Bewerben/oder bewegen lasse/yoch solches seinen  
vnnnderthonen gestatte/Sonnder in vnserm Lannde ennthallte/vnnnd in  
disem fal von vnns als Lanndfürsten dauor beschaidt gewartten wolle/  
als ließ ainem yeden sey/vnnsers schwâre straff vnnnd vngnad an leib vnnnd  
gûet zûuermeiden/Dann wôlcher hiewider handln/vnnnd sich in ainichen  
zug oder dienst auffer vnnsers vorwissen vnd vergônnens begeben wurde/  
gegen dem/oder denselben werden wir mit einziehung seiner hab vnd gûe-  
ter/auch verjagung vnnnd hinnachschickhung seiner weib vnnnd kind/wo  
er die hat mit allen vngnaden handlung fûrnemen/des wir meniglich  
(damit sich der vnwissenheit nyemandt môg enntschuldigen) hiemit ge-  
warnet haben/vnd vnns des zû ainem yeden bey vermeidung vorberûrtter  
straff vnnnd vngnad in ernst verlassen wôllen. Datum mit vnserm  
hiefûrgedrûcktem Secrete zû Mûnchn an Montag den dreyzehennden  
des monadts May Anno ic. XXXvij.

67. C

Offen Mandat Das kâin kriegsmann  
aus dem Lannd Grog

177